

docsjiver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第二三八號


據

清·朱成阿修，史應貴纂
清乾隆二十一年修民國十九年刊本

影印

安徽省

銅陵縣志



成文出版社有限公司印行



中國方志叢書·華中地方·第二三八號

據

清·朱成阿修，史應貴纂
清乾隆二十二年修民國十九年刊本

影印

安徽省

銅陵縣志

成文出版社有限公司印行



320114



10094215

中華民國六十三年十二月臺一版

銅陵縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

乾隆丁丑年重鑄

銅陵縣志

銅陵縣志序

士君子分符百里而茫然莫曉其土俗之好醜民風之醇澆與其地方之興除沿革則雖催科撫字一切治民之術講明有素而輕重緩急用違其宜鮮有不隕越貽羞者予北人也且在筮仕之初丙子秋來宰斯邑惴惴焉以不習其地與其人爲憂甫下車卽訪其風土人物及民間所便宜者越數月朱生一澍以新修縣志進且曰此前尹單朱二公先後詳請

各憲與邑中紳士修之前署篆錢公加密訂焉歷十載始克成書生將出貲囊付劔剗願丐一言以爲序予接閱數四見其遐搜博攬記載詳明私心竊自憫焉無論山川形勢窮原竟委廬井封漁之利弊昭然如指諸掌卽其人民儉樸而尙義士子勤苦而好修皆可裁成砥礪以漸

進於平康正直之塗也况前賢蒞茲土者善政懋績彰彰著有成效又何不可倣而行之乎昔蕭何獲秦圖書知天下要害李恂使幽州圖寫山川屯田聚落魏武獲田疇從盧龍間道破敵梁武用張弘策泝江路進取由是觀之志乘之有神於治道也洵非淺鮮矣予於是書幸得舊萃而觀纂修之成朝夕披覽使一邑之情形悠然在心目間而用以爲予吏治之助異日者政平民和將率邑之人士登五松杏葉諸峯尋古高人逸士舊蹟下瞰長江之襟帶慨然想富覽之遺而羨曹韓沙之識果不虛焉今而後樂可知已是爲序

乾隆丁丑暮春銅陵縣知縣廣阿李青巖撰

自漢置縣置門八書爲十志而志之名始立其原因於周官彝於職方而統於大司徒小史掌邦國外史掌四方史以經之志以緯之相表裏焉由是朝有統志省有通志而郡國州縣亦各有志勿謂銅邑彈丸方隅記載無關體要也星躔次舍見天道焉建置沿革形勝土田祠宇壇壝見地道焉禮樂兵農名宦人物列女仙釋見人道焉

聖朝定鼎一再纂修歲久漫漶乾隆丁卯邑明經朱生良珍借子貢生一謝孫文學枋呈請當事不吝金錢捐輯未就豈真修史之難莫難於志如晉人所云乎抑羣言築室不免意見參差耶成阿令是邑嘉朱生父子遺孫持志不替縣申

上海延邑中紳信設局重修并與採訪諸士約格遵

憲檄增刪更正矢慎矢公勿遺勿濫庶補前事之闕而折其衷夫史與志其義同而體裁微異國史美惡備書邑志則紀美不紀惡雖曰善善欲長以示風勵顧美不可掩美更不可溢揜美則乖彝好之公溢美則蹈諛聞之僞扶風稱龍門有良史才服其善序事理辨而不屑質而不俚其文直其事核信斯言也成阿之酌定章程而斷斷焉標爲四則也豈臆也哉

乾隆丙子歲夏孟上浣

知銅陵縣事朱成阿撰

我銅陵縣百里其間應行記載者所在多有則志之不可一日廢也審矣順治初兩經修輯乾隆年間東萊單尹續修所任非人致滋異議成阿于下車時詳請學府二憲延邑紳設館重輯搜羅從前各書志并府志參考互證去僞存真別疑似于毫釐時是非于微渺指日告竣可以傳信於來其間所載名山大川賦役土產城垣衙署祠廟壇宇之類皆可以參考訂正惟忠孝節義諸則事關風化跡在隱微苟非預定章程將

其世流離未免有魚目混珠之嘆因諭各者示訪紳士務期體察精嚴據事實錄以憑訂增補矣

忠則

忠者人臣之職凡爲國爲民皆是也雖職有大小而爲國爲民之心無異但其盡職有不同者或乘紳正氣而多所建白或犯顏極諫而有裨事宜或披堅執銳以禦外侮或嚴城固守以保境封或任繁劇而政聲遠播或居在雜而其績咸稱此本邑之仕于外者他如洩茲土者或潔己愛民而思流弊境或興利除弊而澤可永垂凡此皆國之瑞也亟宜特書

孝則

孝之大也蟠天際地孝之徵也無形無聲執此以例萬難其淫至若耕田服賈以養父母子職也無足異每聞他志多較親熱割股以爲孝者夫身體髮膚受之父母不敢毀傷則割股者欲盡孝而先不孝矣然事出無然必總觀其始末平日果能孝順至父母有病迫無如何偶行此舉不可及之事者則書之書其平日之孝亦本其割股之事也若割股之前後概無孝行可紀僅忍一時之痛思騰衆人之口此無足取也要在承

節則

三

所天既定從一而終婦道也至青年夭折甘守孤孀盡婦道也誠有足嘉者但吾銅俗尙勤儉人有恒產又
登履履廉恥素諸者多所以夫亡之後有產可資有子可守矢志守節者指不勝屈倘概行載入庶幾節
烈累牘不盡今遵 部覆

頒行數條爲式或夫亡守志舅姑年老無倚婦兼子職奉養終身或宗祧所係親孤雙子撫育有成以節
續或外遷強暴毀形見志事迫捐軀終保貞潔或境處單微甘心荼蓼饑寒併迫秉節愈堅如斯之類孝義
兼全且作傳以表其節操至若有產有子孩年守節者若概行遺去未免負厥苦心承訪紳士查明實係無
瑕白璧亦准載入姓氏毋庸作傳多費筆墨

義則

九世不分義也遺金不昧義也助穀備邊義也散穀賑饑義也至修理祀典廟宇通衢要道亦義也諸如
類不克枚舉惟察其人素行果義則據事而書之若乃家累萬貫親族不沾升斗之助徒捐貲以博好義之
名者則又吾所不取也

義安長朱成阿又識

序

邑乘者載筆之緒餘國史之分注也漢郡國計書上太史副上丞相彙萃成帙元和國計簿而後州縣乃有志書憶先大宗伯珥筆史垣金殿隨侍京邸職方所掌管竊窺焉後備員南省伏見

制憲尹大司馬總裁通志凡體國經野之方善俗宜民之用官師職業之守維風勵世之條罔不體察精詳義例嚴確仰副

聖天子巡俗省方行慶宣化之至意乃知國史爲綱志乘爲目互相闡發而缺一不可者也丙子夏五奉檄攝銅篆參謁

郡臺諄諄以邑乘爲論適前令長朱君移交志稿披閱周環知其增刪更正一乘 憲規其間黜浮去僞別疑似核本真不稍假借手筆粲然前史鑿歐陽文忠釐定唐書事增於昔文減於舊不謂彈丸邑志備具

史裁也夫左氏親炙聖門猶以浮誇失實爲韓吏部所訾他如子長峻
潔或以爲謬於是非孟堅雄剛或以爲乖於去取至若承祚之謬蔚宗
之誕遺譏後世不更甚耶先儒以謹嚴二字爲千秋紀載之龜鑑說哉
金殿敢以攝官傳舍輕心掉之乎爰集纂修採訪諸紳士詣五松書院
按條審訂間有豕亥魚魯之訛卽爲點出且鈐印焉以昭畫一是蓋服
膺

郡臺暨先宗伯之訓固而存之不敢忘也任後宰是邑者爲北平李君
車甫下延訪志事澄心考核用登棗梨洵賢而能見體要者至朱氏龍
孫父子先後捐貲前序綦詳無煩觀縷云

峇

乾隆丙子冬仲上浣

署銅陵縣事構李錢金殿撰

銅陵縣志

總修

文林郎知銅陵縣事 李青巖

原任知銅陵縣事 朱成阿

原任署銅陵縣事 錢金殿

同閱

儒學教諭 曹雲躍

儒學署教諭 費黃理

儒學訓導 李秉仁

丙午解元湖北山東同考 黃淮

協編

丁卯 經魁 史應書

乙卯 選貢 錢景

丙子歲貢王瑜

採訪

坊一耆 潘成樹廩生 王 程廩生

坊二耆 黃士瀨恩貢 潘浩然貢生

近市耆 查 喜貢生 丁 楷生員

栖一耆 阮鵬程生員 王師聖監生

栖二耆 魯家齊生員 陳安國生員

白一耆 邵 煌生員 查思勳生員

白三耆 王道垣生員 鍾 淵生員

陶村耆 查 蕙生員 吳忠顯貢生

台一耆 杜芳轍生員 崔之元監生

台二耆 奈 鈞歲貢 奈述善生員

石洞耆 吳世界貢生 丁大城歲貢

大欄耆 吳守一貢 徐承勳生員

朱村耆 周 函生員 黃士榮貢生

鐘鳴耆 汪洪士生員 周 儒貢生


鳳凰耆 盛嘉猷貢生 汪有級生員

膳繕

徐家俊生員 查夢錫生員 查雲龍生員 俞 燭生員

捐修

朱一澍貢生 監刻男紹楠太學生



docsriver 文川网
入驻商家 古籍书城

在文川网搜索古籍书城 获取更多电子书

凡例

一銅邑志乘自明永樂始歷弘治正德嘉靖更四修年久散佚萬歷間熊令重修不免疎略
鄭志輯於崇禎十七年兵燹後無所攷

國朝順治初暨乾隆丁卯修輯者再非不輕營釐訂篋分門既病其拘錯敘復苦其紊今略
做郡乘不析諸門按事紀載要惟酌其變通而歸於確核耳卷首編列舊序不遺所自也
一縣治建置更移邑名因之以異前志謂唐末分建義安縣於順安義安尋廢爲銅官治按
舊志謂六朝鵲頭地置銅官治又銅精山亦有銅冶舊址皆與銅官山相近則非廢義安
爲銅官治審矣今正之

一斗屬揚州分野最廣邑處偏隅一度中不足當十分之一雖躔次有屬而謂一邑踞一度
星野不如是之狹也舊志謂銅入斗十一度殊爲臆說府志按丹陽入斗十六度貴池青
陽銅陵石埭原隸丹陽卽統入斗十六度象緯始協

一疆域昉自元和郡國志邑之境必列四至兼舉四維以合八到之目若南北水陸之程亦
可逆類而及焉至於形勝則水陸于是辨其宜控制于是扼其要非徒矜繡錯也故并紀

之

一邑城三面阻山隍不可鑿南則玉帶濼迴形勢亦固門有四東南原置一門名曰儀鳳正當泮宮之前明季堵塞科第隳滯珠江勞邑宰詳請復啓茹納山川之秀自此科名漸盛前志未悉今特詳之

一山川鍾毓靈秀凡崑嶺泉洞溪澗之類舊志不無缺略前志備錄之至名區賢蹟屬于山水者供人幽賞故另敘以標其勝焉

一紀官署則官守祿秩因之前志故年表例紀官宋以前職官不可考仍闕焉若學校則領以師儒武備則統以武職規制畫一小傳自應補載凡公廨之屬存者書志創造也廢者亦書翼振興也

一邑人先後營建學校興廢不一濶者多士慕義若門堂鐘鼎器用池垣之類或新置或整葺罔不完固詳載無遺書院所以輔學校之化近更置於學宮之旁于地爲宜而程課藝殿典籍亦備均宜悉錄

一漢書創郊祀志後史循之事神庶民道相因也然淫祀無福惟有關祀典及廟祀之信而

有徵如靈祐睢陽英烈文孝之類皆首書之他如元帝三元諸廟宜彙於寺觀之列無庸

區分

一聖廟尤不當冠於祠廟之首至 崇聖以述節孝各祠載隸學宮禮也不應復入於神廟之次兼以土地祠廟其間尤屬不經前志既誤茲悉訂正至於壇壝祀典特重另著于策

一風土驗民俗之淳漓考政治之得失守土者宜時時振興焉坊表或標名爵或彰節孝舉勸俗也前志次於鄉耆杠梁之後未協今正之

一田賦悉按賦役全書始無譌舛其一切度支及屯田馬田各款綜而舉之至戶口重乎民數積貯關乎大命爰另敘以提其要焉

一前志進士舉貢分類立論似贅今按府志科貢均編爲科目分別敘次統立綱論例貢未登仕籍者不書至甲科舉貢之階職者卽註於本名之下武科則另敘又按江南通志選拔標以薦辟不入貢列此猶沿其舊也

一封蔭加惠祖孫皆示激勵也資老之鉅典亦然其他高年冠帶者並書重 恩錫也前志彙雜臚于封蔭資老之列體未定爰改敘於貴選之次

一 贊選自漢以來如張釋之黃霸諸賢嘗借徑於斯卒以才器引重置身道顯唐宋迄今以
贊郎起家者雖不由科第其問思績不著膺不次之擢者往往有之前志附于雜職之末
殊覺失常茲首贊選而綴以雜職庶無乖體制云

一名宦合高卑而並祀表德業以勸有位也本邑職官諸賢已祀者既暴幽光其未祀者照
府志劉志各立名宦傳以俟諱昭祀典庶幾芳型不泯耳

一 忠孝生人之大節自宜特書篤行於孝友中標其孤詣亦倣史獨行之目也政事以紀茂
猷文學以崇大雅其示內外本末交相培養之意與

一 詳異所以驗天道之休咎卽以徵人事之敬怠也謹書之以惕修省耳若邑遭寇虐瘡痍
特甚紀兵氛亦志變也

一 先達邱墓史志例載本傳謂卒葬某處無庸另紀也前志另敘邱墓并與義塚並載尤近
於藝至搜羅軼事仍宜分入各類未便另爲標目其義塚之隴官買者及民捐者錄于鄉
書庶無淆混

一 藝文有裨風教及切於地方者書其他攬勝抒懷亦足揚挖風雅潤色太平舊志所載歌

詠擇其尤雅者登之

一名宦以及人物各有列傳循史例也舊志僅列小傳寥寥數語其本末概弗詳今亦無從編考而敷陳之姑仍其舊不能無遺憾云

一宋以前縣屬各職志傳殘缺無考故職官表仍自宋始

一舊志載房道直爲唐之銅陵尉府志謂唐初尙未置銅陵縣何得有尉故刪去但核唐史本傳內載道直謫貶銅陵尉當非無据况尉屬唐之職官更無疑義遂仍之

一舊志邑令失載元陶起祖前志又誤人起祖于明令而明之時守道誤人于元今悉訂正

一隱逸徐宗禮熊志載祀鄉賢劉志及前志俱別載今並存以俟考核

一前志列女繁冗其中不無年例已逾未及核明者又因邑志百年未修積累至今一時彙纂致啓冒濫之疑今復核其實以紀之至于列女旣繁行實不及概錄据其艱苦特甚者傳敘其略他皆倣江南通志列名以志貞操均俟請 旌非故別其優絀也

一舊志藝文祇載詩文按班志及通考諸書凡諸家所纂經史子集類載篇目府志亦倣其意今於詩文後核載邑中人士所纂書目亦見著作之林咸樂得而咨賞焉

一碑碣記文如闢農田水利禁除積弊及創建之工費浩繁者酌核登載他則弗錄
一山川如靈寶泉樹晃靈山蓮花峯屬馬仁之類舊志誤入葉山今正之他皆倣此
一舊志山洞登載金牛靈寶龍卵石出之類語涉荒誕概爲刪去
一物產前志祇載銅邑所獨產者其與他處同殖之類皆不書則銅之品物所遺者多矣今
仍照舊志收人庶無罅漏云

銅陵縣志目錄

卷一

沿革

疆域 附形勝

星野

山川 附縣城泉湖澗洲河湖潭溪澗渠波瀾陂溝井

卷二

城池

官守 附縣秩

官署 附公宇

卷三

學宮 附書院儒學田義學田

武備 附武職

卷四

戶口

田賦

積貯

卷五

壇壝

廟宇

卷六

鄉耆 附市鎮街巷道路紅梁壩壩墳墳墓義塚物產

風俗 附節候

坊表 附碑亭

卷七

選舉

武科

徵辟

貨選 附雜職

封蔭

卷八

名宦

鄉賢

鄉賢 附耆年冠帶

卷九

政事

忠貞

孝友

卷十

篤行

文學

卷十一

隱逸

卷十二

列女

卷十三

方伎

祥異

古蹟


卷十四

義行

遊寓

仙釋

兵氛




目錄

藝文上

藝文下
附書格


縣境全圖

銅陵縣疆域總圖



docsriver 文川网
入驻商家 古籍书城

在文川网搜索古籍书城 获取更多电子书



拾五者方位圖

